

Абдуллаева З.З.

ТУРКИЕДЕ ОРТА АСЫР ВЕ ХХ АСЫРНЫҢ БАШЛАРЫНА КЪАДАР ДИН ВЕ МЕДЕНИЙ ТАСИЛЬ

(Религиозное и светское образование в Турции со средних веков до начала XX века.)

В статье рассматриваются основные этапы становления религиозного и светского образования в Турции со средних веков до начала XX века. Автором анализируется система религиозного образования – начальные религиозные школы, средние и высшие медресе, а так же система светского образования – инженерно-артиллерийского училища, морского инженерного училища, сухопутного инженерного училища, военно-медицинского училища, хирургической и терапевтической школ и других специальных училищ, созданных в XIX веке.

Особое внимание уделено истории Стамбульского университета и Галатасарайского лицея. Автором также рассмотрено влияние младотурецкой революции на развитие системы образования Турции.

Осман императорлыгы заманында, асырларнен мектеп тасили диний характер ташыды. XV - XVIII асырларда окъув муэссиселернинъ еяне типиче, джамилернинъ янында тешкиль олунган диний мектеплер эди. Мектеп ве медреселерде окъув процессы мусульман улемалыгы тарафындан контроль этиле эди. Башлангыч мектеплерде араб тили, Къуран, космография ве эсап дерслери огрениле эди. Орта мектепте исе грамматика, геометрия, мантыкъ, белагъат (риторика), иляхият дерслери огрениле эди. Алий окъув юртларында исе тыббиетⁱ, Къуран дерслери огрениле эди.

Бу мектеплерде тасиль заманы бельгиленмей. Медресе системы ильк-ондже укумдар сыныфына девлет аппараты ве мефкюревий муэссиселерге керекли адамларны азырламагъа имкян ярата эди.

Осман императорлыгында, бутюн мусульман девлетлеринде олгъаны киби, балалар башлангыч тасилини алмакъ ичюн «сыбян мектеплеринде» (маалле мектеплеринде), яни диний мектеплерде окъугъанларⁱⁱ. Сыбян типиндеки мектеплерде дерс бергенлер эсасен мусульман моллалары оларакъ, талебелер Къуранны эберлей, мусульман динининъ эсасыны ве мусульманнынъⁱⁱⁱ омюрдеки аркет къаиделерини огрене эдилер.

Бойле мектеплерде талебелернинъ булунмасы къабилерине багъланыр эди ве 4 яшыны толдургъан балалар къабул олунганлар. Бойле мектеплерге нисбетен «башлангыч тасили» терминни мукъайытлыкънен къуullanмакъ керек, чюнки бойле мектеплерде балалар диний тасильден башкъа бир тюрлю бильги алмадылар, атта бу мектеплерни битиргенлери зорнен язмагъа ве окъумагъа биле эдилер. Амма олар, осеяткъан несильни бойсунув ве итаат этив рухунда тербиедилер, шунунъ ичюн де укюмет оларнынъ сакъланып къалмасыны истей эди.

Башлангыч мектеплерден («сыбян мектеплеринден») башкъа, девлетте эки дереджели, – орта ве алий, медреселер бар эди. Медреселер Ислям дини хызметчилери, девлет аппараты ве орду ичюн мемур азырлай эдилер. XVIII асырнынъ сонларында тек бир Стамбулда 275 медресе бар эди^{iv}. Медресе талебелери, софталар, чокъ йыллар девамында эсасен мусульман иляхиятыны огренерек, тасильни эсасен араб тилинде окъута эдилер.

XIX асырнынъ сеятчысы: «Мен анълагъанымна коре, китапханелерни эсасен медресе янында тешкиль олунган алий мектеплернинъ талебелери «софта»лар зиярет этелер», – деп яза. Олар анда дерс оларакъ чешит эльязмалардан алынган парчаларны эберлей, «хадис» ве Къураннынъ, риваетлернинъ изаатыны огренелер, дигерлери исе ильмий ишлери ичюн насылдыр малюмат топламакъ ичюн келелер»^v.

Софталар, антик ве орта асыр мусульман дерсликлеринден алынган, земаневий талаплагъа джевап бермеген, тарих, джогъграфия, там илимлери боюнджа башлангыч бильги саиплери эдилер.

Табийки, медресе, студент оладжакъларны азырлап оламай эди. Бу сезнинъ земаневий манасы христиан дининдеки «бурсак» ве я да семинатистке уйгундур. Султан, оларнынъ денъишмеси акъкъында хаял биле эталмаз эди.

Мехмед-Султан заманында Топкъапы сарайында махсус алий мектеп – эндерун мектеби олмакъта. Бу мектепте юксек унван саиплерининъ балалары илериде буюк ишлерини тайин олунмакъ ичюн азырлана эдилер (эндерун – султаннынъ ич одалары)^{vi}, мында медресени битирген балалар кече эдилер.

XVIII асырнынъ биринджи ярысында Стамбулда ильк медений шекиль ташыган окъув юртлары мейдангъа кельди. Бу окъув юртларынынъ эсас макъсады кери къалган Турк ордусыны земаневий арбий санаат дереджесине котермек керек эди.

1737 сенеси биринджи Турк ордусыны медений окъув муэссисеси – инженер-топчы окъув юрты ачылды. Бу окъув юрты Ускюдар топчу арбий къысымлары къазармалары янында тешкиль олунды. Инженер-топчу окъув юртында там илимлер, хусусан, амелий эсап дерслери кечириле эди.

Стамбулнынъ Асия тарафында ерлешкен Ускюдар (Скутари) медресесининъ бинасы, белли Турк мимарджысы Синаннынъ проектине коре къурулды. Илериде бу бина буюк медреселер иншаатында нумюне

олды. Джиддий тарзда кѳурулгъан бу бинанынъ диварлары ич бир тюрлю орнеклер олмагъаны, онынъ насыл макъсаднен кѳурулгъаныны тасдикълай эди. Айны заманда медресенинъ интерьеры гъает гузель эди; галереясынынъ орта къысмында кѳуббе залы кѳурулгъан. Азбарын ортасында таштан япылгъан кучук бир шадырван бар эди^{vii}. Ускюдар мектебини Хумбараджи Ахмед-паша тешкилятландырды (эскиден граф Бонневаль), о Турк ордусы ичюн эсап ве инженерлик боюнджа джиддий бильгиси олгъан офицерлерни азырламакъ истей эди. Бираз сонъра, 1761 сенеси, Стамбулда турк ордусынынъ мушавири барон де Тотт ярдымынен бир къач махсус навигатор, топчу ве фортификатор^{viii} мектеплери ачылды. 1773 сенеси Сютлюджиде денъиз инженерлери окъув юрту (Muhendishane-i Bahri-i Humayun) тешкиль олунды^{ix}. Шусы меракълы ки, бу окъув юртунунъ ачылмасына турк флоту рус эскадрасы тарафындан Чесмен денъизиндеенъильмеси себеп олды. (7 июль 1770с.)

Окъув юртунунъ биринджи оджасы Джебзапрян Сейт Хасан олды. О денъиз ишини ве бир къач Европа тиллерини яхши билип, окъув юртунда эсасен франсыз оджаларыны чалыштырты.

Осман императорлыгъы ичюн бу мектеп Европагъа биринджи пенджере олгъан. Амма, мектепке энъ эвеля окъумагъа, язмагъа бильмеген балаларны алына эдилер. Мектеп программасы земаневий башлангъыч ве орта мектеплернинъ программасына багъланылды. Башта бир, балаларны окъумагъа ве язмагъа огрете эдилер, сонъра исе араб, фарс, франсыз тиллерини ве денъиз ишини огрене эдилер. 1842 сенесинден башлап мектепке 13-16 яшында олгъан, Къуран окъумагъа ве язмагъа бильген балаларны къабул эттилер. Окъув 3 йыл девам эте эди.

Биринджи ве экинджи сыныфта талебелер араб тилини, эсап, геометрия ве ресим япмасыны огрендилер. Учюнджи сыныф исе махсус сыныфларгъа болуне ве буна коре махсус фенлер окъула эди. 1842 сенесинден башлап, франсыз тили сербест, англис тили исе междубурий суретте огрениле эди^x.

Бойлеликнен, XVIII ве XIX асырнынъ орталарында Туркиеде медений тасиль системасы мейдангъа келип башлай. Динъге экинджи дереджели ер берильген биринджиси исе окъув юртларына, юкъярыда айтылгъанына коре, мисаль ичюн арбий-инженер ве денъизджилик махсус окъув юртлары эди. Селим III (1789-1807) арбий реформалары Европа илиминен багъланды, нетиджеде медений тасильнинъ инкишафына ел ачты. Селим III, тап барон де Тотт вакъытында эсап ве денъизджилик боюнджа дерс берильген мектеплерни кенишлетти ве янъыдан тешкилятландырды. Даа сонъ о арбий-инженерлик окъув юртуна чевирилди ве «Мюхендисхане» деп адландырылды^{xi}. Окъув юрты эм денъиз флоту, эм де къара къувветлери ичюн мутехассыс азырлай эди. Денъизджилик окъув юртунда Европа оджалары денъиз офицерлери ве геми кѳуруджы инженерлерини азырлай эдилер. Мында 200 турк баласы тасиль ала эди (эки сыныфта да бирдайын – геми кѳуруджылары ве денъиз офицерлери)^{xii}.

Орду ичюн инженер ве топчу азырламакъ ичюн, 1795 сенеси Селим III Султан къара къувветлери инженерлик окъув юртуны «Мюхендисхане-и беррие» ачты^{xiii}. Даа сонъ топчулар окъув юрты арбий инженерлик окъув юртунен бирлештирдилер. Бу окъув юртларына 11-12 яшларында олгъан турк балаларыны къабул эте эдилер. Окъув юртунда 800 адам^{xiv} огрене эдилер. Дерслерни Францияда тасиль алгъан франсыз ве турк оджалары алып бара эдилер. Окъув юртунда физика, эсап, геодезия ве махсус дерслер кечиле ве франсыз тили междубурий эди. Окъув юрту янынъда франсыз тилинде 400 китаптан ибарет китапхане булунмакътадыр^{xv}.

Селим III эмиринен арбий иш мевзусындаки франсыз китаплары ве дигер зенаатлар боюнджа эсерлер турк тилине терджимеленгенлер. 1796 сенеси китап чыкъармакъ ичюн окъув юрту янынъда шахсий нешрият ачылды (бундан гъайры, 1729 сенеси кѳурулгъан ильк турк нешрияты 1792 сенесинде ененден ачылды ве чалышып башлады).

Султан арбий окъув юртларына чокъ дикъкъат этип, сыкъ-сыкъ зияретте булуна, талебелернен субетлеше, оларны имтияндан кечире ве къабилиетли сойларына мукъфат бере эди.

Махмуд II (1808 - 1839) тарафындан япылгъан арбий ве идаре реформасы, кенди ве укюмет огюне, мутехассыс проблемасы не къадар джиддий олгъаныны ортагъа чыкъарды. Туркиенинъ янъы усул боюнджа тасиль алгъан офицерлерге, арбий инженерелерге, граждан мемуларына ве чешит зенаат узманлары – экимлерге, оджаларгъа, терджиманларгъа, юристлерге ихтияджы бар эди.

Бу мутехассысларны азырламакъ ичюн онъа уйгъун алий окъув юртлары керек олды. Туркиеде исе олар екъ эди. Арбий окъув юртлары орду ве флотнынъ ихтияджыны къанаатлендирмейди. 1828 сенеси Русиенен башлагъан дженк вакъытындан, Султан, не денъиз окъув юртундан ихтисаслы капитан, не де къара къувветлер инженер окъув юртундан арбий инженер алып оламады. Арбий эким ве офицерлерин азырлагъан окъув юртлары, граждан мемуларыны азырлагъан махсус мектеплерде екъ эди^{xvi}.

Арбий-инженер, къара къувветлери инженерлик окъув юртлары тешкиль олунгъан заманда, медений шекильде башлангъыч мектеплери ачмакъ кимсенинъ акъылына биле кельмеди. Укюмет тарафындан япылгъан гъайретке бакъмадан, диний мектеплерде окъугъан талебелернинъ сайысы эксилемекте эди. 1824 сенеси нешир олунгъан Султан хатты-ы шерифи, Махмуд II тасиль меселелерине олгъан мунасебети ачыкъ-айдын корюне. Онда Султан бир чокъ ана-бабалар балаларыны ишханелердеки усталар янына талебе этип бергенлерине ачувлана. Шунунъ ичюн де кунъ-кунъден джаиллернинъ сайысы арта. Султан озъ эмиринен бутюн дин хадимлерини, мектеплерден тыш бир бала къалмамасыны незарет этмелерине междубур этти.

Бу ерде шуны да кьайд этмек керек ки, султан медений мектеплерини дегиль де, диний мектеплерини козь огюне алган эди. Бу мектеплерде балаларны диний рухунда тербиелев этип, «оджалар» исе земаневий талаплагьга коре джайль ола эдилер. Укюмет тарафындан кьол тутулган, бойле «хатта»-ларнынь нешрияттан чыкмасынынь тешеббюсчилери улемлер эди, чюнки диний мектеплердеки талебелернинь сайысы эп эксиле эди^{xvii}.

Медений тасиль системини кирьсетмек аньаневий усул тарафдарларынынь чокьтан-чокь зыддиетине огьрай ве ордуны яньыдан тешкиятландырмакь ишинден кьолай дегиль эди.

1826 сенеси чокь зорлукьлардан сонь биринджи арбий-тыббийет окьув юрты ачылды, бир йылдан сонь исе – хирургия ве терапевтик мектеплери ачылды^{xviii}. Дерслерни франсыз оджалары франсыз тилинде алып бара эдилер. Селим III заманында биринджи кереси ябанджы тильде окьутмакь гьаесине кьол тутулды, чюнки 1795 сенеси тешкиль олунган кьара кьувветлер инженерлик окьув юртунда ерли мутехассыслар олмагьаны себебинден франсыз оджаларына мураджаат этмеге меджбур олдылар.

1838 сенеси Султан ве онынь меслекдешлери тешеббюсинен махсус доклад азырланды, онда башлангьыч тасиль саасында реформа япмакь кереклиги акькьында айтыла эди^{xix}. Улемлернинь медений тасиль системине кьаршы чыкькьанына бакьмадан, Осман императорлыгьында 1840 сенеси биринджи медений мектеп, рюшдие, ачылды, теэссуф ки, бу гьаенинь ильхамландырыджысы ольген сонь. Махмуд II заманында граждан мемурлары мектеби мейдангьа кельди (1838 с.), терджиманлар мектеби ачылды. Бу мектеплерде ябанджы тиллер ве базы бир там илимлер джиддий огрениле эди.

XIX асырнынь 30 сенелеринде тешкиль олунган граждан мемур мектеплери мемурларгьа олган ихтияджны темин этмедилер. Тасиль алмакь ичюн генчлерни юрт тышына – Париж, Лондон ве Венагьа^{xx} еллай эдилер.

Махмуд II заманында тасиль саасында белли бир мувафакьвет эльде этильгенине бакьмадан, яньы тасиль система бутюн бир организм оларакь тешкиль олунмагьан эди. Махмуд II тарафындан эмир этильген эр кес ичюн меджбурий башлангьыч тасиль бош сес олып кьалды.

Махмуд II заманында ве танзимат йыллары йигиримге якьын махсус окьув юртлары тешкиль олунды, олар сырасында арбий-тыббий (1826), Арбий умумий орду (1834), Арбий музыка (1834), кой ходжалыгьы ве мал экими (1847), Педагогика (1848), девлет мемурларыны азырламакь ичюн бир сыра окьув юртлары (1838, 1849, 1859)^{xxi} ве иляхре. 1839 сенеден башлап Туркиеде умум тасиль башлангьыч мектеплери – рюшдиелер ачылып башланды, бу мектеплерде диний дерслер ерини медений дерслер олдылар, 1845 сенесинден – I дереджели орта мектеплер – идадиелер тешкиль олунды, мында эсасен арбий окьув юртлары ичюн талебелер азырлана эди.

Абдул Меджид I (1839-1861) тарафындан да тасиль проблемаларына буюк дикькьат этильди ве бу онынь 1845 сенеси февраль айында^{xxii} чыкькьан хаттасында акс олунды. Султан министрлернинь дикькьатларыны реформа арбий саасындан башкьа, бутюн сааларда кереги киби япылмагьанына дикькьатларыны джелп этти. О, бунынь эсас себеби джайллик, деп сайды ве мектеп эм де окьув юртлары ачмакь эмири берди.

1845 сенеси март айында тасиль ишлери боюнджа мувакькьат шура тешкиль олунды (Меджлис-и маариф-и мувакькьат), оньа баш терджиман Порты Фуад-эфенди елбашчылыкь этти. Шура секиз адамдан ибарет эди. Тасиль боюнджа Мувакькьат Шуранынь эсас вазифеси белли бир саада реформа проектлерини азырламакь эди. Ашагьыда язылы гьает муим тедбирлер теклиф олунды: 3 дереджели мектеплер тешкиль этмек – башлангьыч (мектеп, я да сыбьян), орта (идадие) ве алий – университет (дар-уль-фюнун)^{xxiii}. Мектеплерни улемаларнынь етекчилиги алтындан алмакь ве девлет контролине бермек, медреселерде исе реформа япмамакь ве оларны олгьаны киби улемалар контролинде кьалдырмакь теклиф олунды.

Проект Султан ве девлет тарафындан такь дирленди. Оны омюрге кечирмек исе 1846 сенеси июнь айында тешкиль олунган умум тасиль Даимий Шурасына авале олунды.

Умум тасиль Даимий Шурасы тек тыш ишлер назирини ве Адалие юкьары шурасына итаат эте эди. Соньунда, 1859 сенеси миллий Тасиль Даимий Шурасы яньыдан тешкиль олунган Маариф назирлигинен бирлешти. 1848 сенеси шура азаларынынь сайысы артты, топлашувлары айда бир кере ола эди.

Медений тасиль душманларынынь чыкьышларына бакьмадан, илян этильген программа яваш-яваш омюрге кечти. Башлангьыч тасиль меджбурий ве бедава олгьаны беян этильди. Яньы дерсликлер чыкьты ве парасыз даркьатылды. Рюшдие мектеплери девлет эсабына тешкиятландырыла ве чалыштырыла эди. Бу мектеплерде де дерслер ве китаплар бедава эди. Ихтисаслы оджалар олмагьаны ичюн бу мектеплердеки дерслер медресе системиндеки дерслерге ошагьанлар^{xxiv}. Тек 1848 сенеси биринджи оджалар институты ачылды. Шунынь ичюн де, рюшдие битирген балалар, «амелий фаалиетке ве алий эм де ихтисаслы окьув юртларына кирмеге азыр дегиль эдилер»^{xxv}. Олар джогьрафия ве тарих, табий илимлер ве геометрияны огренмей эдилер. Бир шейге бакьмадан, бу мектеплернинь (эм башлангьыч, эм орта) сайысы артты, яваш-яваш тасиль программасы да денъишти.

Бу ерде шуны да кьайд этмек керек ки, XIX асырнынь биринджи ярысында турк мектеплериндеки окьув процесслеринде темелли денъишмелер олды.

Эсас дерс мусульман дини олгьанына бакьмадан, мектеплерде, хусусан буюк шеэрлерде яваш-яваш турк тили, эсап, джогьрафия киби дерслер огренип башлайлар^{xxvi}.

1846 сенеси Мустафа Решид-паша теклифинен Стамбулда Айя-София джамисининъ къаршысында университет бинасынынъ темели къююлган эди. Къуруджылыкъ вакъытында битти, амма Къырым дженки башлагъанда учъ къатлы бинада госпиталь ерлешти. 60-нджы йыллары биринджи, даа мунтазам суретте олмаган, лекциялар окъулып башланды. Бойлеликнен, 1863 сенеси 31-нджи декабрьде онда халкъ ичюн биринджи лекция окъулды, о заманлары Стамбул ичюн баягы динълейиджи – 300 адам топланды^{xxvii}. Физика боюнджа лекцияны Авропада тасиль алган турк лекторы Дервиш-паша окъугъан эди.

Бу вакъиа о къадар муим эди ки, атта султан университет динълейджилери ичюн физика ве химия боюнджа да Дервиш-паша лекция азырламасы ичюн махсус къарар чыкъарган эди. Динълейджилер ичюн башкъа фенлер боюнджа да лекциялар берильди, тарихий меселелерини исе белли тарихчи ве турк тасили фаалиетчиси Ахмед Вефик-эфенди окъуды. Эсап ве табий илимлер, астрономия ве физика боюнджа да лекциялар окъулды. Амма, Стамбул университетининъ ресмий ачылув мерасими, дерсликлер азырлагъан эписи фенлер боюнджа оджалар темин этильген ве лийкъ талелер алынган сонъ, 1870 сенеси 20 февраль куню олды^{xxviii}.

Къыска заманда белли олгъанына коре, планлаштырылган фенлерни амелиятта кечъмек ичюн не дерсликлер не де оджалар бар. Университет орта тасиль окъув юртлары севиесине тюшюрильди ве 1871 сенеси реакцион мусульман улемалары тарафындан кескин тенкъид нетиджесинде къапатылды.

1868 сенеси 1-нджи сентябрь куню Галатасарай лицей ачылды. Оны битиргенлер, оджалар, орду ве флот офицерлери, мемулар генч турк зиялыларнынъ сырасыны толдура эдилер. Галатасарай имтиязлы окъув юрты оларакъ, Порта тарафындан дестеклене эди. Лицейге теджрибелери оджаларны еллаган Франция? оны тешкиятландырувда буюк ярдым косьтерди. Франция ярдымынен лицейде яхшы китапхане ве бир сыра лабораториялар тешкиль олунды^{xxix}.

1874 сенеси Галатасарай лицей эсасында текрар университет ачмагъа истедилер^{xxx}. Бу сефер ки тешекбюслери мувафакъиетли олды, амма кенеде ихтисаслы оджалар етишмегени себебинден джиддий проблемалар олгъаны ичюн 1879-1880 сенелери къапатылды.

Ниае, 1900 сенеси Стамбулда учъ факультети олган – теология, филология ве техника, Султан университети ачылды. Бу сефер университет девамлы чалышкъан окъув юртуна чевирилди, амма буна бакъмадан султан Абдул-Хамид II заманында, турк тарихчысынынъ айткъанына коре, бу «пек сессиз ве зайыф окъув юрты эди».

XIX асырнынъ 40-джи сенелери омюрге кечирильген ве тешкиль этильген янъы медений тасиль системы олгъанына бакъмадан, тасиль саасы балта кирмеген орманны анъдыра эди. Медреселер исе кенди талелелерини орта асыр рухунда азырламагъа девам эте эдилер. Медреседе тасиль алганлар итибар саиби эдилер, чюнки дин озъ ерини сакълап къалмакъта эди.

Туркиеде XVIII-XIX асырларда чешит дерслик-китапларгъа, ильмий ве техник, бедий эдебияткъа ихтиядж арта.

XIX асырнынъ 40-нджи сенелери окъумакъ ичюн тыш мемлекетлерге елланган ве анда йылларнен яшаган яш турклерге Авропа медениетинен сыкъы суретте таныш олмакъ имкяны мейдангъа келе. Хусусан, 1855 сенеси Парижде ачылган Осман мектебинде 60 турк окъуй эди^{xxxi}.

1864 сенеси Туркиеде 660 бинъ талебе окъугъан 15 бинъ башлангъыч мектеп бар эди (олардан 135 бинъ талебе олган 2562 мектеп мусульман мектеби дегиль эди)^{xxxii}. Орта мектеплер пек аз ве кене де халкъ тасили улемалар элинде эди.

1869 сенеси халкъ тасили акъкъында янъы къанун къабул олунган эди (нумюне оларакъ Франсыз къанунджылыкъы алынган эди). Тасиль саасында кениш реформалар япылмасы козь огюне алынган: огълан балалары 7-11 яшында ве 6-10 яшындаки къыз балалары ичюн меджбурий бедава тасиль, девлет эсабына Стамбулда университет ачмакъ ве орта мектеплерини тешкиятландырмакъ эди. Амма, ишлер пек яваш юре эдилер. Халкъ тасилине пек аз девлет парасы айырылды, дерсликлер ве оджалар етишмей эди. Ялынъыз бир къач йылдан сонъ, Туркиедеки тасиль дурумына бу къануннынъ мусбет тесири олып башлады. Тасиль саасы улемаларнынъ реформагъа къаршы чыкъкъан энъ амансыз аренасы олды.

Абдул Хамид II (1876-1908) заманында баш котерген реакционерлер, тасильге пек менфий тесир этилер. Мектеп реформасы амелиятта омюрге кечирильмей эди. Ресмий оларакъ бир къач алий, амелиятта исе орта окъув юртлары – оджалар институты (шу сырада къадынлар ичюн де), санаат мектеплери ве дигер мушкуль алда олган окъув юртлары ачылса биле.

Генч турклер инкъилябы тасиль саасына белли денъишмелер кетирди. Турк инкъилябы гъалебе къазанган сонъ, генч турклер эсас дикъкъатларыны девлет мемулары, орду, тасиль ве укъукъ саасындаки реформаларгъа джелъп этилер. Биринджи генч турк группаларынынъ арбий ве махсус граждан окъув юртларында мейдангъа кельгенлери, тесадюфен дегильдир. Абдул Хамид заманында бу окъув юртлары турк зиялыларнынъ тешкиль олунган меркезлери эди. Мында о вакъытларгъа коре генчлер джиддий бильги ала, ябанджы тиль огрене, Авропа девлетлерининъ сиясий ве икътисадий омюринен таныш ола эдилер^{xxxiii}.

Генч турклер тасиль саасында белли адымлар яптылар. Месея, бу ишке айырылган паранынъ эсабы артты (амма кене де о бюджет масрафларынынъ 2-2,7% тешкиль эте эди). Башлангъыч мектеплернинъ сайысы артты (XX асырнынъ башында 28615– тек 1910 сенеси 36230-къа къадар)^{xxxiv}; орта мектеплер –

идадие ве лицейлернинъ де сайысы артты. Зенаат тасили кенишленди ве къадын-къызлар ичюн биринджи орта мектеплер тешкиль олунды. Бойлеликнен, 1911-джи сенеси Стамбулда Къадын Идадиеси ачылды. Стамбулдаки къадын мектеби 1913 сенеси Султание’деп адландырылды. Бу окъув юрту биринджи къадын лицейидир.

1911 сенеден башлап лицейлерге султание ады берип башладылар, амма тек 1922 сенеден башлап бу исим эр ерде пекитильди^{xxxv}. Алий окъув юртларында да денъишмелер башланды. Месея, та 1870 сенеси ачылган ве бир йылдан сонъ къапатылган Стамбул университети 1900 сенеси текрар ачылды, кенъишленди, яны факультетлер ачылды, къабул олунган окъуйджыларнынъ сайысы артты.

Бу вакытта ашагыдаки унер ве техника мектеплери ачылды: полиция мектеби (1909 сенеси); беледие мемурлары мектеби (1911 сене); театр мектеби (1914 сене) ве иляхре^{xxxvi}.

1913 сенеси башлангыч мектеплерде тасиль процессини яхшылаштырмакъ ичюн яны къанун къабул олунды.

Амма, умумий аладжакъ олсакъ медений тасиль саасында эльде этильген мувафакъиетлер пек яхшы дегиль эди. Дин окъувы медений башлангыч ве орта мектеплерде аля буюк ер алмакъта эди. Турклернинъ 90 фаизи джайль эди (мисаль ичюн, Туркиеде 50% греклер ве 33% эрмени джайль эди).

Бойлеликнен, генч турк инкъилябы тасиль саасында белли мувафакъиетлерни эльде этти. Амма, омюрге кечирильген тедбирлер, тасильнинъ кениш инкишафы ве девлетнинъ ихтисаслы ишчилерге эп артмакъта олган ихтияджыны темин этмек ичюн етерли дереджеде дегиль эди.

ⁱ Петросян Ю.А., Юсупов А.Р. Город на двух континентах.– М.: Наука,1981.– С.133.

ⁱⁱ Fidan N., Erden M.Egitim bilimine giris.–Ankara: Kadioglu matbaasi,1986.– S.189.

ⁱⁱⁱ Боджолян М.Т. Реформа 20-30 гг. XIX века в Османской империи.–Ереван: Изд-во АН Армянской ССР,1984.– С.79.

^{iv} Новичев А.Д. История Турции II, Новое время. Ч.1.(1792-1839).– Изд-во Ленинградского университета,1968.– С.252.

^v Турецкая цивилизация и ее школы, софта, библиотеки, книжное дело. Из поездки в Константинополь летом 1875 году.//Вестник Европы.–1876.–Т.4.– С.534.

^{vi} Новичев А.Д. Указ соч.– С.253.

^{vii} Петросян Ю.А., Юсупов А.Р. Указ. соч.– С.118.

^{viii} Там же.– С.141.

^{ix} Akyüz Y. Türk eğitim tarihi.–Ankara: Ankara Universitesi basimevi,1989.– S.164.

^x Миллер А.Ф. Мустафа-паша Байрактар.– М.- Л.: Изд-во Академии наук ССР,1947.– С.95.

^{xi} Новичев А.Д. Указ. соч.– С.31.

^{xii} Akyüz Y. Op.cit.– S.164.

^{xiii} Akyüz Y. Op.cit.– S.165.

^{xiv} Петросян Е.И., Петросян Ю.А. Османская империя. Реформы и реформаторы.–М.:Наука,1993.–С.20.

^{xv} Новичев А.Д. Указ. соч.– С.31.

^{xvi} Там же. – С.252.

^{xvii} Боджолян М.Т. Указ.соч.– С.80.

^{xviii} Дулина Н.А. Танзимат и Мустафа Решид-паша.–М.:Наука,1984.– С.134.

^{xix} Петросян Ю.А. Османская империя. Могущество и гибель.– М.:Наука,1990.– С.187.

^{xx} Дулина Н.А. Указ.соч.– С.134.

^{xxi} Желтяков А.Д. Печать в общественно-политической и культурной жизни Турции (1729-1908).– М.:Наука,1972.– С.38.

^{xxii} Дулина Н.А. Указ.соч.– С.134.

^{xxiii} Akyüz Y. Op.cit.– S.179.

^{xxiv} Akyüz Y. Op.cit.– S.185.

^{xxv} Дулина Н.А. Указ.соч.– С.135.

^{xxvi} Желтяков А.Д. Указ.соч.– С.39.

^{xxvii} Петросян Ю.А. Древний город на берегах Босфора.– М.:Наука, 1991.– С.224.

^{xxviii} Дулина Н.А. Указ.соч.– С.136.

^{xxix} Петросян Ю.А., Юсупов А.Р. Указ.соч.– С.143.

^{xxx} Akyüz Y. Op.cit.– S.190.

^{xxxi} Желтяков А.Д. Указ.соч.– С.49.

^{xxxii} Новичев А.Д. Турция. Краткая история.–М.:Наука,1965.– С.132.

^{xxxiii} Петросян Ю.А., Юсупов А.Р. Указ.соч.– С.57.

^{xxxiv} Новичев А.Д. Турция. Краткая история.–М.:Наука,1965.– С.134.

^{xxxv} Akyüz Y. Op.cit.– S.297.

^{xxxvi} Akyüz Y. Op.cit.– S.303.